

## **Teknikkimut tunngasuunngitsut pillugit eqikkaaneq**

- a. Nalunaq Gold Mine Kalaallit Nunaata Kujataani Nanortallip avannaa 'tungaani Napasorsuup Qooruani inissisimasoq Angus and Ross plc-p (A&R) Crew Gold Corp-imit tigunikuuaa, taanna 2004-mit 2009-mi februarimi aatsitassarsiorfimmi suliarinnissimasoq. Selskabi Kalaallit Nunaanneersoq Angel Mining (Gold) A/S, Angus and Ross-imit tamakkiisumik pigineqartoq, aatsitassarsiornermik suliarinnittuuvoq. Angus & Ross-ip avatangiisinut aamma inuiaqatigiinnut sunniutissat pillugit nalilersuineq suliarisussanngorsimavaa.
- b. Pilersaarummi siunertarineqarpoq Nalunaq Gold Mine-p ammaqqinnissaa, ineriartortinnissaa ingerlatseqqilernissaalu. Aatsitassarsiorfik atorluarneqassaaq pisuussutit misissorniarlugit nunap iluani suleriaatsit atorlugit. Crew kuultisiorfimmi ingerlatsisimavoq 2004-p qeqqanit 2009-mi februarip tungaanut. A&R-ip siunniuppaa aatsitassarsiorfimmi tunisassiornerup 2009-p qaammataasa kingulliit pingasut ingerlaneranni aallarteqqinniarlugu (Aatsitassanut Pisorta qarfiup akuersissuteqarnissaa apeqqutaalluni). Anguniarneqarpoq aatsitassat 35.000 ounces-it (992 kg) kuultimik akullit ukiumut tunisassiarineqartassasut, kuulti tuniarnearqarsinnaasoq 30.000 ounces-it (850 kg) inulaarlugit pissarsiarineqarsinnaallutik.
- c. Avatangiisinut inuiaqatigiinnullu sunniutissaasa nalilerneqarneranni siunertat makkuupput:
  - pilersaarummi teknikkimut, avatangiisinut aningaasarsiornermullu tunngasortaasa misissorneqarnissaat;
  - avatangiisitigut inuiaqatigiinnullu sunniutissat suussusersillugit paasiniarlugit, annikillisinnissaannullu periuseq pitsaanerpaaq atorlugu nassuiaateqarfigalugit; aamma
  - avatangiisitigut sunniutissat akuerineqarsinnaanngitsut peerlugit aatsitassarsiorfiup ineriartortinneqarsinnaanerata takutinneqarnissaa;
- d. Avatangiisitigut inuiaqatigiinnullu sunniutissanik naliliinerni, pilersaarutip pitsaasumik (iluaqutaasumik) aamma pitsaanngitsumik (ajoqutaasumik) sunniutissat eqqarsaatigineqassapput, soorlu sunniutissat sinneruttut, annikillisinnissaannut siunniunissaannut eqqarsaatigineqareepata.
- e. Avatangiisinut inuiaqatigiinnullu sunniutissat pillugit nassuiaat Kalaallit Nunaanni naleqqussaanermut piumasaqaatit malillugit suliarineqarpoq.

- f. Sunniutissat arlallit suussusersineqareerput immikkuualuttukkaarlugillu misissoqqissaarneqareerlutik.
- g. Angus & Ross-ip siunniuppaa qaarusummi aatsitassarsioriaaseq sullulik sukartalillug sivingasuusoq atorneqassasoq, nammineq sulisuni atorlugit ingerlanneqartussa. Aatsitassanik suliareqqiineq aallaqqaammut pingaaruteqarnerusunik suliareqqiinnermut killilerneqassaaq. Kulilte atorlugu suliareqqiineq 2010-mi marsimi iluarsineqassaaq, taamallu avatangiisinik inuiaqatigiinnillu suniutissanik pitsanngorsaaneq pillugu 2009-mi oktobarimi saqqummiunneqartussaalluni. Sulerinneriaaseq pingaaruteqartoq atorlugu aatsitassarsiornerup aallartinnerani kuulti kipparissunngorlugu tunisassiarineqassaaq, taamaalereerpallu sularinneriaaseq tamakkiisoq aallaavigineqassaaq, kuliltemik sularinneriaaseq ilanngullugu. Aatsitassaqaassusianik misissueqqissaarinerit takutippaat, kuultimik akorisaa annikinnerungaatsiartoq, suliareqqiinnerup annertussusiata paasineqarneranit annikinnerusoq, kingusinnerusukkut kulilte atorlugu tunisassioriaatsimi aatsitassanit kuultip paasineqartup annertunerpaaffissaa qulakkeerneqassalluni.
- h. Piaanermi ujaqqat sinneruttut imaluunniit igitassat avataanut eqqarneqassanngillat, akerlianilli nunap iluanik matooreqqiinnermut tamarmik atoqqinneqassallutik. Piaanermi atortut ingerlatallu tamarmik, tamakkununga ilaallutik suliareqqiinnermi tunisassiat, qaarusuup iluani ingerlanneqassapput, siusinnerusukkut sumiiffinni piiiaaffigisimasami. Ilusilersuinikkut annertussutsikkut piunasaqaatit iluarsineqassapput, qaarusuup atorneqartup ilusia aserfallatsaaliorniarlugu.
- i. Nalunaarusiami pilersaarutip oqaluttuarisaanikkut tunuliaqutaa ersersinniarneqarpoq, tamakkununga ilanngullugit avatangiisitigut ajornartorsiutit nalaanneqarsinnaasut kiisalu kingorna mingutsitsinermik peqqutaasinnaasut.
- j. Tunngaviusumik avatangiisitigut sunniutissani ilimagisinnaasatut eqqarsaatigisassat avatangiisillu naleqassusii saqqummiunneqarput, sularinninnermilu sammisani avatangiisitigut sunniutaasinnaasutut saqqummiunneqartut nutaat misissorneqarsimallutik. Pitsaanngitsumik sunniutissat annikinnerpaaffigitinniarlugit tulluussaanerit aamma misissuinissamullu nakkutilliinerit eqquutsinniarlugit saqqummiussineqarpoq. Sunniutissat annikillisinniarlugit saqqummiunneqartut sinneruttuni pitsaanngitsumik sunniuteqarnissaannik malunnaatilimik kinguneqassanngillat.

- k. Avatangiisinik aqutsinissamut pilersaarutit, peqqissutsikkut aamma isumannaalisaanikkut pilersaarutit kiisalu avatangiisitigut aarlerinaarsornissaannut sinaakkutissaat saqqummiunneqarput.
- l. Sunniutissatut ilimanaatit pingaarnerit marluk makkuussasut isumaqarfigineqarput:
- Pujoralaat – sumiiffimmi aqqusinernit qaffakaasartut kiisalu anorlerneranit teqqalatinneqartut aamma qamutit motorillit ingerlaarnerannit teqqalatinneqartut; aamma
  - Aatsitassarsiorfimmit najugaqarfimmillu Napasorsuup Qooruata kuuanut imermik kuutsitsineq.  
Annikillisaanissamut tulluussaaneq eqquutsinniarlugu siunnersuutini sunniutit tamakku sunniuteqartumik annikillisinneqassapput sunniutillu sinneruttut ilannguttussaananik.
- m. Avatangiisitigut sunniutissat sunniutilimmik nakkutigineqartut tamarmik saqqummiunneqarput.
- n. Inuiaqatigiinnut sunniutissanik naliliineq immikkoortillugu piareersarneqassaaq, tamat peqataatinneqareernerisigut kiisalu soqutigisallit tamaasa tamakkiisumik isumasiorneqareernerisigut. Inuiaqatigiinnut sunniutissanik naliliinermut ilanngunneqassapput, iluaqutissatut sunniutissanut pilersaarutit kiisalu sunniutissanut iluaqutaasussat isumaqatigiissutiginerisigut. Inuiaqatigiinnut sunniutissat pillugit oktober 2009-mi saqqummiunneqassaaq.
- o. Angus & Ross plc'p Nalunaq Gold Mine-ip sammisaqarnerani sumiiffik akornusersorneqartoq qanittumiittuunngilaq, sumiiffiillu makku immikkut soqutiginaateqartut arlaalluunniit malunnaatilimmik kalluarnagit:
- Sumiiffiit imaluunniit suliffiit annertuumik innarliasinnaasut imaluunniit nunap sannaatigut immikkuullarissumik ilisarnaateqartut
  - Sumiiffiit uumasunut immikkut pingaaruteqartut
  - Sumiiffiit uumasunut naasunullu pingaaruteqartuusut, innarliasuusut imaluunniit katersuuffiusut
  - Sumiiffiit anersaakkut, kulturikkut imaluunniit inuiaqatigiinnut aningaasarsiornikkut naleqartut allat, tamakkununnga ilanngullugit sumiiffiit pisuussutinik qangaaniilli atuisarnernut immikkut ittumik pingaaruteqartuusut.
- p. Siusinnerusukkat aatsitassarsiornermik ingerlatsinermi avatangiisinut sunniutit ilumoorullugu Angus & Ross plc-mit maluginiarneqarsimapput nalilersorneqarsimallutillu. Avatangiisitigut pitsaasumik iliuseqarneq eqqarsaatigineqarsimavoq, aatsitassarsiorfimillu sulinissamut ilusilersuineri

ilanngunneqarsimallutik, kiisalu ineriartortitsinermi pitsaanngitsumik sunniutaasinnaasut sunniutilimmik annikillisinnissaannik tulluussarniarlugit piviusunngortinneqarsimallutik. Avatangiisinik pitsaanngitsumik sunniutissat killilersimaarniarlugit avatangiisinik tamakkiisumik nakkutilliineq ingerlatiinnarneqassaaq. Sunniutinik annikillisaaniarluni siunnersuut sunniutit pitsaanngitsut sinneruttut malunnaateqanngitsumik inernejassapput.

- q. Inatsisitigut naleqqussaaniisamillu piumasaqaatini oqaateqaatit pilersaarummi matumani oqaasertalersuinermi ilanngullugit eqqarsaatigineqarsimapput.
- r. Ineriartortitsineq Kalaallit Nunaannut kiisalu sumiiffinni innuttaasunut pingaartumillu Nanortallip Kommunanut aningaasarsiornikkut inooqatigiinnikkullu annertuumik iluaqutaassaaq. Akissarsiarissaartitsilluni sulinerup toqqaannanngitsumik kinguneri ilanngullugit inuit ataasiakkaat, ilaqtariit kommunillu aningaasarsiornikkut iluaqtissat pitsanngorsassavaat, suliffeqannginnerlu annikillisassallugu.
- s. Upperineqarpoq Nalunaq Mine iluatsitsisumik ingerlatsiumaartoq, kuultimillu pisuussutit pitsaanngitsumik annertunerusumik pitsaanngitsunik kinguneqartitsinani atorluarneqarumaartut. Taamattaq upperineqarpoq pilersaarut Kalaallit Nunaannut iluaqutaassasoq, soorlu pingaartumik sumiiffinni innuttaasunut, pilersaarullu siunissami iluaqutaanngitsunik nassataqarani ingerlasinnaassasoq.